

Deirdre Boyd, Direktor, DB Recovery Resources, Velika Britanija

Već više od dvije decenije Deirdre Boyd je liderica u oblasti oporavka od ovisnosti, sa međunarodnom reputacijom. Sa sjedištem u Velikoj Britaniji, ona uređuje DB Recovery Resources, koji je izvor i servis za pružanje dnevnih vijesti o oporavku od ovisnosti međunarodnim korisnicima iz oblasti tretmana za ovisnost o alkoholu i drogama, objavljuje Recovery Plus online i printani časopis, i organizuje DB Recovery+ UKESAD, međunarodni simpozij o oporavku od ovisnosti. 2020. godine će se održati osma konferencija, 25. i 26. juna na Svjetski dan borbe protiv droga.

Govorila je u Parlamentarnoj grupi za zloupotrebu droga, Parlamentarnoj grupi za alkohol i Parlamentarnoj grupi za djecu i kanabis, a bila je i dio projekta o nauci o mozgu, ovisnosti i drogama, koji je predvidio scenarije za oblast droga za narednih 25 godina. Deirdre je citirana u raspravama koje su vođene u sklopu oba dijela Parlamenta Velike Britanije: House of Commons i House of Lords o alkoholu i drogama, a dala je svoj doprinos i u politici o drogama 2010. godine. Autorica je knjige *Ovisnost i oporavak: samopomoć za prijatelje, porodice i ovisnike*, koja je prevedena na 7 jezika.

Gospođa Boyd je radila u Odboru Nacionalnog udruženja za djecu alkoholičara (Velika Britanija) i u Odboru za ovisnosti Centra za političke studije, a članica je odbora britanskog dijela IC&RC, Međunarodnog konzorcija za certificiranje, koji broji 45 000 članova širom svijeta.

Deirdre je javnost izglasala za nagradu Direktorija Influencer godine za socijalne promjene 2012. godine. Međunarodno vijeće za alkohol i ovisnosti dodijelilo joj je Memorijalnu nagradu dr. Vincenta Bakemana za izvanredne servise u zajednici. Dobila je i nagradu Sierra Tucson za izvanredna dostignuća.

Deirdre je pisala za domaće i međunarodne publikacije i učestvovala je kao stručnjak za pitanja oporavka od ovisnosti na BBC News-u, Sky News-u i drugim medijima. Prije i tokom više od 20 godina radila je kao direktorica Fondacije za oporavak od ovisnosti i bila urednica časopisa Addiction Today. Ranije je Deirdre pomagala i ženskim grupama u fondaciji Droga i alkohol nakon obuke za integrativnu psihoterapiju.